

АҚПАРАТТЫҚ ХАБАРЛАМА

«БЖЗК» АҚ-ның зейнетақы жинақтарын инвестициялау туралы 2024 жылдың 4 айындағы есебі

"БЖЗК" АҚ (бұдан әрі – БЖЗК, Қор) enpf.kz сайтындағы "Көрсеткіштер - Инвестициялық қызмет" бөлімінде Қазақстан Республикасы Ұлттық Банкінің (бұдан әрі - ҚРҰБ) және инвестициялық портфельді басқарушылардың (бұдан әрі - ИПБ) зейнетақы активтерін басқаруы туралы есебін ұсынады.

2024 жылғы 1 мамырдағы жағдай бойынша зейнетақы активтерінің жалпы көлемі - **18 983,1 млрд теңге**. 2024 жылғы 1 мамырдағы жағдай бойынша міндетті зейнетақы жарналары (бұдан әрі - МЗЖ), міндетті кәсіптік зейнетақы жарналары (бұдан әрі - МКЗЖ), ерікті зейнетақы жарналары (бұдан әрі - ЕЗЖ) есебінен қалыптастырылған, ҚРҰБ сенімгерлік басқаруындағы БЖЗК зейнетақы активтері¹ **18 878,61 млрд теңге**² болды. [ҚРҰБ сенімгерлік басқаруындағы жұмыс берушінің міндетті зейнетақы жарналары \(бұдан әрі – ЖМЗЖ\) есебінен қалыптастырылған ҚРҰБ зейнетақы активтерінің көлемі – 57,18 млрд теңге.](#)

[ИПБ басқаруындағы зейнетақы активтері 47,3 млрд теңгеден асты.](#)

ҚРҰБ басқаруындағы зейнетақы активтерінің инвестициялық портфелі

2024 жылғы 1 мамырға МЗЖ, МКЗЖ, ЕЗЖ есебінен қалыптастырылған ҚРҰБ зейнетақы активтерін инвестициялаудың негізгі бағыттары мынадай: ҚР Қаржы министрлігінің мемлекеттік бағалы қағаздары – 47,02%, квазимемлекеттік компаниялардың облигациялары – 9,66%, Қазақстан Республикасының екінші деңгейдегі банктерінің облигациялары – 4,26%, шет мемлекеттердің мемлекеттік бағалы қағаздары – 3,52%, ҚР эмитенттерінің акциялары мен депозитарлық қолхаттары – 1,97%, МҚҰ – 1,91%, ҚРҰБ депозиттері – 1,78%.

2024 жылғы 1 мамырдағы жағдай бойынша МЗЖ, МКЗЖ, ЕЗЖ есебінен сатып алынған қаржы құралдары номиналданған валюталар бөлінісіндегі инвестициялық портфель мынадай: ұлттық валютадағы инвестициялар – 66,34%, АҚШ долларымен – зейнетақы активтері портфелінің 33,66%.

Алынған кірістің құрылымын талдаудан бағалы қағаздар бойынша сыйақы түріндегі, оның ішінде орналастырылған салымдар мен "кері РЕПО" операциялары бойынша және бағалы қағаздарды нарықтық қайта бағалаудан түскен кірістер – 464,03 млрд теңге, сыртқы басқарудағы активтер бойынша – 156,81 млрд теңге. Шетел валютасын қайта бағалау теріс болды және 89,06 млрд теңге болды. Басқа шығындар - 1,44 млрд теңге.

Зейнетақы активтерінің инвестициялық портфелін құралдар, салалар және валюталар бойынша әртараптандыру есебінен 2024 жылғы қаңтар-сәуірдегі жалпы табыс оң нәтиже көрсетті.

Инвестициялық қызметтің нәтижесінде, сондай-ақ, шетел валюталары бағамдарының құбылмалылығы және қаржы құралдарының нарықтық құнының өзгеруі салдарынан 2024 жылғы 4 айда есептелген инвестициялық кірістің мөлшері 530,34 млрд теңге болды.

¹ міндетті зейнетақы жарналары, міндетті кәсіптік зейнетақы жарналары және ерікті зейнетақы жарналары есебінен қалыптастырылған

² зейнетақы жарналары мен төлемдері шоттарындағы ақша есебінсіз

Салымшылардың (алушылардың) шоттарына 2024 жылдың басынан бері бөлінген БЖЗК зейнетақы активтерінің табыстылығы 2,87% көрсетті.

2024 жылғы 1 мамырға арналған **ЖМЗЖ** инвестициялау бағыттары мынадай: ҚР Қаржы министрлігінің мемлекеттік бағалы қағаздары – 98,11%, инвестициялық шоттардағы ақшалай қаражат – 1,20%, ҚРҰБ депозиттері – 0,69%.

ЖМЗЖ инвестициялық портфельіне тек ұлттық валютада көрсетілген қаржы құралдары кіреді.

2024 жылдың басынан бастап 1 мамырдағы жағдай бойынша ЖМЗЖ бойынша есептелген инвестициялық кірістің мөлшері 366,79 млн теңге. ЖМЗЖ бойынша кірістілік - 1,76%.

Естеріңізге сала кетейік, орта және ұзақ мерзімді перспективада зейнетақы жинақтарының оң нақты (жинақталған инфляциядан асатын) кірістілігі қамтамасыз етіледі.

ҚРҰБ басқаруындағы қаржы құралдарының эмитенттері көрсетілген инвестициялық портфельінің **егжей-тегжейлі құрылымы** және инвестициялық қызметке шолу БЖЗК-ның ресми сайтында орналастырылған. Сондай-ақ, enpf.kz сайтында ЖМЗЖ есебінен қалыптастырылған зейнетақы активтері бойынша **портфель құрылымы** туралы ақпарат орналастырылды.

Инвестициялық портфельді басқарушылар

ИПБ басқаруындағы зейнетақы активтерінің жалпы көлемі **47,3 млрд теңгеден** асады.

01.05.2024ж. жағдай бойынша **"Jusan Invest" АҚ** сенімгерлік басқаруындағы зейнетақы активтері **8,08 млрд теңгеден** асты.

Компанияның негізгі инвестициялары: ҚР ҚМ МБҚ – 32,78%, Exchange Traded Funds (ETF) пайлары – 28,62%, РЕПО – 18,13%, ҚР екінші деңгейдегі банктерінің облигациялары – 7,76%, шет мемлекеттердің МБҚ – 6,85%. Атап кетейік, портфельдің 63,23% теңгемен, 36,77% АҚШ долларымен ұсынылған.

Инвестициялық қызмет нәтижесінде, сондай-ақ, шетел валюталары бағамдарының құбылмалылығы және қаржы құралдарының нарықтық құнының өзгеруі салдарынан 2024 жылдың 4 айында есептелген инвестициялық кіріс мөлшері 156,48 млн теңге болды. Зейнетақы активтерінің кірістілігі 2,14%.

"Jusan Invest" АҚ басқаруындағы қаржы құралдарының эмитенттері көрсетілген инвестициялық портфельінің **егжей-тегжейлі құрылымы** БЖЗК сайтында ұсынылған.

01.05.2024ж. жағдай бойынша **"Halyk Global Markets" АҚ** сенімгерлік басқаруындағы зейнетақы активтері **3,8 млрд теңгеден** асты.

Портфель құрылымындағы негізгі инвестициялар: "кері РЕПО" (күнтізбелік 90 күннен аспайтын) – 38,99%, ҚР квазимемлекеттік ұйымдарының облигациялары – 11,31%, шетелдік эмитенттердің корпоративтік облигациялары – 16,97%, МҚҰ облигациялары – 6,84%, шетелдік эмитенттердің үлестік құралдары (ETF пайлары) – 6,70%, шет мемлекеттердің орталық үкіметтері шығарған мемлекеттік мәртебесі бар бағалы қағаздар - 6,38%, ҚР екінші деңгейдегі банктерінің облигациялары – 5,53%. Ұлттық валютадағы инвестициялар портфельдің 69,512%, АҚШ долларымен 30,49% тең.

Инвестициялық қызметтің нәтижесінде 2024 жылдың басынан бастап есептелген инвестициялық кірістің мөлшері 2024 жылдың 1 мамырындағы жағдай бойынша 59,78 млн теңгеге жетті. Зейнетақы активтерінің кірістілігі - 1,59%.

"Nalyk Global Markets" АҚ басқаруындағы қаржы құралдарының инвестициялық портфелінің эмитенттері көрсетілген [егжей-тегжейлі құрылымы](#) БЖЗК сайтында ұсынылған.

01.05.2024ж. жағдай бойынша **"BCC Invest" АҚ** сенімгерлік басқаруындағы БЖЗК зейнетақы активтері **4,3 млрд теңгеден** асты.

Инвестициялардың негізгі бағыттары: Қазақстан Республикасының квазимемлекеттік ұйымдарының облигациялары – 31,67%, РЕПО – 20,45%, ҚР мемлекеттік облигациялары – 12,22%, ҚР ЕДБ облигациялары – 9,04%, пайлар (индекстерге ETF) – 7,87%, шетелдік эмитенттердің корпоративтік облигациялары – 7,20%, МҚҰ облигациялары – 4,44%, АҚШ мемлекеттік облигациялары – 3,30%. Ұлттық валютадағы құралдарға портфельдің 82,89%, АҚШ долларымен 17,11% инвестицияланды.

Инвестициялық қызметтің нәтижесінде 2024 жылдың алғашқы 4 айында есептелген инвестициялық кірістің мөлшері 85,48 млн теңгеге жетті. Зейнетақы активтерінің кірістілігі – 2,03%.

"BCC Invest" АҚ басқаруындағы қаржы құралдарының инвестициялық портфелінің эмитенттері көрсетілген [егжей-тегжейлі құрылымы](#) БЖЗК сайтында ұсынылған.

01.05.2024ж. жағдай бойынша **"Сентрас Секьюритиз" АҚ** сенімгерлік басқаруындағы БЖЗК зейнетақы активтері **1,2 млрд теңгеден** асты.

РЕПО-ға активтердің 28,38%, ҚР ҚМ МБҚ – 27,97%, квазимемлекеттік ұйымдардың облигацияларына – 15,17%, ҚР эмитенттерінің акциялары мен депозитарлық колхаттарына – 9,98%, ҚР ЕДБ облигацияларына – 7%, АҚШ мемлекеттік облигацияларына - 6,67% инвестицияланды. Ұлттық валютадағы құралдарға портфельдің 75,88%, АҚШ долларымен – 22,41%, канадалық доллармен - 1,71% инвестицияланды.

Инвестициялық қызмет және қаржы құралдарының нарықтық құнының өзгеруі нәтижесінде 2024 жылдың басынан бастап 1 мамырдағы жағдай бойынша есептелген инвестициялық кіріс мөлшері 49,27 млн теңгеге жетті. Зейнетақы активтерінің кірістілігі - 4,24%.

"Сентрас Секьюритиз" АҚ басқаруындағы қаржы құралдарының инвестициялық портфелінің эмитенттері көрсетілген [егжей-тегжейлі құрылымы](#) БЖЗК сайтында ұсынылған.

2024 жылғы 1 мамырдағы жағдай бойынша **"Қазақстан Халық Банкінің ЕҰ" Nalyk Finance" АҚ** сенімгерлік басқаруындағы зейнетақы активтері шамамен **29,9 млрд теңге**.

Портфель құрылымындағы негізгі инвестициялар: "кері РЕПО" (күнтізбелік 90 күннен аспайтын) – 51,94%, шетелдік эмитенттердің корпоративтік облигациялары – 9,88%, Қазақстан Республикасының квазимемлекеттік ұйымдарының облигациялары – 9,69%, Exchange Traded Funds (ETF) пайлары – 7,20%, шет мемлекеттердің МБҚ – 6,37%, МҚҰ – 4,48%, ҚР екінші деңгейдегі банктерінің облигациялары - 3,32%.

Ұлттық валютадағы құралдарға портфельдің 73,33%, АҚШ долларында - 26,49%, еуро - 0,18% инвестицияланды.

Инвестициялық қызмет нәтижесінде 2024 жылдың басынан бастап 1 мамырдағы жағдай бойынша есептелген инвестициялық кіріс мөлшері 410,54 млн теңге болды. Зейнетақы активтерінің кірістілігі – 1,81%.

"Қазақстан Халық Банкінің ЕҰ" Nalyk Finance" АҚ басқаруындағы қаржы құралдарының инвестициялық портфелінің эмитенттері көрсетілген [егжей-тегжейлі құрылымы](#) БЖЗК сайтында ұсынылған.

Естеріңізге сала кетейік, 2023 жылғы 1 шілдеден бастап салымшылар инвестициялық портфельді басқарушының (ИПБ) сенімгерлік басқаруына міндетті зейнетақы жарналары (МЗЖ) және міндетті кәсіптік зейнетақы жарналары (МКЗЖ) есебінен қалыптастырылған зейнетақы жинақтарының 50%-дан аспайтын бөлігін ең төменгі жеткіліктілік шегін есепке алмастан бере алады. Ал ерікті зейнетақы жинақтары бар салымшылар оларды ИПБ-ға 100% көлемінде бере алады.

БЖЗК 2013 жылғы 22 тамызда «ГНПФ» ЖЗК» АҚ негізінде құрылды. БЖЗК құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗК зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. Зейнетақы заңнамасына сәйкес БЖЗК міндетті зейнетақы жарналарын, жұмыс берушінің міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, сондай-ақ "Қазақстан Республикасының екінші деңгейдегі банктерінде орналастырылған депозиттерге міндетті кепілдік беру туралы" Қазақстан Республикасының Заңына сәйкес депозиттерге міндетті кепілдік беруді жүзеге асыратын ұйым аударған кепілдік берілген депозит бойынша кепілдік берілген өтемнің талап етілмеген сомасы есебінен қалыптастырылған ерікті зейнетақы жарналарын есепке алып, оның есебін жүргізеді, зейнетақы төлемдерін жүзеге асыруды қамтамасыз етеді. Сондай-ақ Қор нысаналы активтер мен нысаналы талаптарды есепке алуды, нысаналы жинақтау шоттарына нысаналы жинақтарды (НЖ) есепке алу мен есептеуді, НЖ төлемдерін оларды алушының банк шоттарына есептеуді, "Ұлттық қор – балаларға" бағдарламасы шеңберінде Қазақстан Республикасының Үкіметі айқындаған тәртіппен НЖ қайтарымдарын есепке алуды жүзеге асырады (толығырақ www.enpf.kz сайтында).